

The Electronic Manipulus florum
www.manipulusflorum.com

Paupertas q
cum fonte primo

Semper diues est Christiana paupertas, nec pauet in isto mundo indigencia laborare cui donatum est in omnium rerum Domino omnia possidere. Operantibus ergo que bona sunt non omnino metuendum ne eis desit facultas operandi, cum et in duobus minutis euangelice illius uidue sit laudata deuotio, et pro calice aque frigide premium habeat gratuita largitio. Ex affectibus enim piorum benignitatis mensura taxatur, et nunquam eum miserandi efficacia deserit in quo misericordia ipsa non deficit.

Leo papa sermone IIII. de quadragesima.

Semper diues est christiana paupertas. Nec pauet in isto mundo indigencia laborare, cui donatum est in omnium rerum Domino omnia possidere. Operantibus ergo quae bona sunt, non est omnino metuendum ne eis facultas desit operandi, cum et in duobus nummis euangelicae illius uiduae sit laudata deuotio, et pro calice aquae frigidae praemium habeat gratuita largitio. Ex affectibus enim piorum benignitatis mensura taxatur, et nunquam eum miserendi efficacia deserit, in quo misericordia ipsa non deficit.

Leo Magnus, *Tractatus septem et nonaginta (textus α)*, 42, 2 (CCSL 138A, A. Chavasse ed., pp.241-2, ll.69-82).